

四庫全書

子部

欽定四庫全書

子部

薛氏醫案卷五十八

詳校官太醫院醫官臣姜晟

編修臣倉聖脈覆勘

總校官原任中允臣王燕緒

校對官助教臣卜維吉

謄錄監生臣汪存垧

欽定四庫全書

薛氏醫案卷五十八

明 薛己 訂

保嬰撮要五

鶴膝行遲

錢仲陽云鶴膝者乃稟受腎虛血氣不充致肌肉瘦薄
骨節呈露如鶴之膝也行遲者亦因稟受肝腎氣虛肝
主筋腎主骨肝藏血腎藏精血不足則筋不榮精不足

則骨不立故不能行也鶴膝用六味地黄丸加鹿茸以
補其血氣血氣既充則其肌肉自生行遲用地黃丸加
牛膝五加皮鹿茸以補其精血精血既足則其筋骨自
堅凡此皆肝腎之虛也虛而熱者用六味地黄丸虛而
寒者用八味丸若手拳攣者用薏苡仁丸足拳攣者用
海桐皮散脾胃虧損腎臟虛弱寒邪所乘而膝漸腫者
佐以補中益氣湯及大防風湯

治驗

一小兒體瘦腿細不能行齒不堅髮不茂屬足三陰經虛也用六味丸補中益氣湯服年餘愈

一小兒六歲面色眊白眼白睛多久患下痢忽聲音不亮腿足無力先用四神丸止其痢後用地黃丸加牛膝五加皮鹿茸補其腎兩月餘漸能行半載後其聲響亮後停食另用消食丸連瀉五七次去後益頻五更侵晨為甚聲音復瘖步履復難而腿足作痛仍服前丸兼補中益氣湯而愈

一小兒七歲左腿自膝下至脛細小行步無力用地黃丸加鹿茸五味子牛膝為主佐以補中益氣湯半載腿膝漸強而能步畢姻後其腿內熱足心如炙唾痰口渴余謂當補脾腎不信另用滋陰丸痰熱益甚服四物黃栢知母之類飲食日少服二陳青皮枳殼之類胸滿吐血服犀角地黃湯唾血不時大便頻數復請視仍泥實火余辭不能治略服犀角地黃湯而唾血益甚不時發熱後復懇治余曰兩足心熱唾痰

口乾腎虛水泛也飲食少思胸膈痞滿唾血不止脾虛失攝也晝發夜伏夜作晝止不時而熱無根虛火也遂用四君子及八珍湯地黃丸間服而愈

四神丸

治脾虛胃弱大便不實飲食不思或泄利腹

痛等症

方見驚瀉

薏苡仁丸

治稟受肝氣怯弱致兩膝攣縮兩手伸展

無力

當歸

焙

秦朮

薏苡仁

酸棗仁

防己

羌活

各一
兩

右為末煉蜜丸鷄豆大每服一九麝香荊芥湯下

海桐皮散 治稟受腎氣不足血氣未榮脚指拳縮不能伸展

海桐皮 牡丹皮 當歸 熟地黄 牛膝

酒浸 各一

兩 山茱萸 補骨脂

各五錢

右為末每服一錢葱白煎湯食前服

五加皮散 治四五歲不能行

真五加皮

川牛膝

酒浸二日

木瓜乾

各等分

右為末每服二錢空心米湯調下一日二服服後再用好酒半盞與兒飲之仍量兒大小

益氣養榮湯

治氣血損傷四肢頸項等處患腫不問

軟硬赤白痛否日晡發熱或潰而不斂者並宜服之

人參

茯苓

陳皮

貝母

香附

當歸

酒拌川

芎

黃芪

鹽水拌炒

熟地黃

酒拌

芍藥

炒各五分

甘草

炙

桔梗

炒柴胡

各三分

白朮

炒一錢

右薑水煎服大人倍用

八珍湯

即四君四物二湯四物見急驚四君見內釣

四神丸

方見驚瀉

六味丸

八味丸

即六味九加肉桂附子二方見腎臟

消食丸

方見嘔吐乳

補中益氣湯

方見虛羸

大防風湯

方見鶴膝癰

四君子湯

方見內釣

齒遲

經云齒者腎之標骨之餘也小兒稟受腎氣不足腎主骨髓虛則髓脉不充腎氣不能上營故齒遲也用地黃丸主之

治驗

一小兒三歲言步未能齒髮尤少體瘦艱立發熱作渴服肥兒丸不應余曰此腎虛疳症也蓋肥兒丸脾

胃經之藥久服則腎益虛其痞益甚不信牙髮漸落
余用地黃丸加鹿茸五味子半載而元氣壯健

一小兒體瘦腿細行步艱辛齒不堅固髮稀短少用
六味地黃丸補中益氣湯年餘諸症悉愈形體壯實
芎藭散 治齒生遲或齒嚼物少力

芎藭 生地黃 山藥 當歸 芍藥 甘草

炒 各等

分

右各另為末每服二錢白湯調

地黃丸

方見腎臟

補中益氣湯

方見虛癰

咬牙

夫齒屬足少陰腎經牙牀屬手足陽明經小兒寤寐不時咬牙其所致之經不同或本於心經之熱或本於肝經之熱或本於脾肺腎經之熱若發熱飲水叫哭而搐者心經實熱也睡困驚悸合面而卧者心經虛熱也面青目劄呵欠項強煩悶者肝經實熱也手尋衣領及亂

捻物者肝經虛熱也發搐目青面赤肝經風熱也煩悶
喘促見於申酉時者肺經熱也胸滿氣急喘嗽上氣肺
感風寒也見於亥子丑時者腎經熱也眼目畏明及無
睛光或解顱下竄胎稟腎虛也飲水口中氣熱胃經實
熱也飲湯口中氣冷胃經虛熱也發搐呵欠面黃脾虛
發驚也心經實熱用瀉心湯虛熱用導赤散肝經實熱
先用柴胡清肝散治肝火後用六味丸生肝血肝經風
熱亦用前藥虛熱則用六味丸肺經實熱用瀉白散虛

熱用保肺湯腎經實熱用六味丸減茱萸二兩以生地
易熟地虛用地黃丸胃經實熱用瀉黃散虛用異功散
脾虛發驚用五味異功散若乳母多食膏粱厚味致兒
咬牙者用清胃散

治驗

一小兒七歲素喜食甘味兩手發熱夜睡咬牙用瀉
黃散而愈後不守戒仍作用大黃等藥前症益甚更
滯頤弄舌手足冷余謂此脾胃復傷而虛甚也用六

金匱要略卷五十八
君加柴胡升麻治之漸愈又用五味異功散加柴胡升麻而痊

一小兒面素痿黃或時變青飲食過多睡而咬牙服
尅伐之劑口舌生瘡大便泄青發搐痰盛唇青手冷
用六君加木香柴胡升麻數劑而安但飲食後腹膨
作噯用四君子湯為細末不時煨薑湯調服少許月
餘而痊

一小兒十五歲盜汗面赤睡中咬牙自服清胃散前

症益甚更遺精晡熱口乾倦怠余用六味地黃丸補中益氣湯而痊

一小兒十四歲素食膏粱炙燂睡中咬牙此脾胃積熱先用清胃散及二陳黃連山查犀角各數劑間服補中益氣湯而愈

一女子十四歲發熱作渴月經先期睡中咬牙此肝脾二經虛熱也用加味逍遙散而安後因怒前症俱作用柴胡梔子散而痊

一小兒夜間咬牙或盜汗或便血審其母懷抱鬱結
又兼便血用加味歸脾湯加味逍遙散與母兼服其
子亦愈

一小兒因母食膏粱醇酒睡中咬牙或時鼻衄右腮
鼻準色赤先用加味清胃散加味逍遙散與母服兒
亦愈

一小兒病後不語睡中咬牙驚悸飲水困倦少食用
化痰鎮驚等藥益甚余謂屬心脾腎陰虛用六味地

黃丸為主佐以五味異功散秘旨安神丸諸症頓愈
一小兒感冒風邪咳嗽喘逆不時咬牙右腮色赤此
肺經客熱用潔古黃耆湯一劑而痊後因停食腹脹
咳嗽鼻塞咬牙用六君子湯加桔梗桑皮杏仁一劑
而愈

一小兒咬牙審知因母大怒先用小柴胡湯加山梔
牡丹皮治之母子並愈

潔古黃芪湯

人參 黃芪 茯苓 白朮 芍藥 乾薑

錢各一

陳皮 藿香

各五分

保肺湯

方見傷風咳嗽

柴胡梔子散

柴胡清肝散

二方見發熱

補中益氣湯

方見虛羸

小柴胡湯

方見瘕症

二陳湯

方見寒吐

瀉黃散

方見脾臟

瀉心湯

導赤散

秘旨安神丸

三方見心臟

瀉白散

方見肺臟

地黃丸

方見腎臟

六君子湯

歸脾湯

四君子湯

加味逍遙散

清胃散

異功散

六方見內鈞

語遲

錢氏云心之聲為言小兒四五歲不能言者由妊母卒有驚動邪乘兒心致心氣不足故不能言也有稟父腎氣不足而言遲者有乳母五火遺熱閉塞氣道者有病

後津液內亡會厭乾涸者亦有脾胃虛弱清氣不升而
言遲者心氣不足用菖蒲九腎氣不足用羚羊角九閉
塞氣道用加味逍遙散津液內亡用七味白朮散脾胃
虛弱用補中益氣湯

治驗

一小兒言遲泄瀉聲音不亮雜用分利清熱等劑喉
音如瘖飲食少思朝用地黃丸加五味子夕用補中
益氣湯其瀉漸止遂專服前丸兩月喉音漸響

一小兒白睛多瀉後喉瘡口渴兼吐大便不實朝夕服地黃丸而痊後患瀉喉復瘡仍服前丸而愈此皆稟賦腎氣不足故用是藥

一小兒五歲不能言咸以為廢人矣但其形色悉屬肺腎不足遂用六味地黃丸加五味子鹿茸及補中益氣湯加五味子兩月餘形氣漸健將半載能發一二言至年許始音聲如常

菖蒲丸 治心虛語遲

石菖蒲

丹參

錢各一

赤石脂

錢三

人參

兩半

天門冬

心去

焙一錢

右為末煉蜜丸麻子大食後溫水服二三十丸

羚羊角丸 治行遲

羚羊角

鎊

生地黃

焙

酸棗仁

虎脰骨

醋黃

炙

白朮

苓

錢各五

肉桂

防風

當歸

黃芪

錢各二

分

錢

右為末煉蜜成劑每服一臯子大白湯化下

七味白朮散

方見腹痛

補中益氣湯

方見虛羸

六味地黃丸

方見腎臟

加味道遙散

方見內釣

瘖

經云舌者音聲之機也喉者音聲之關也小兒卒然無音者乃寒氣客於會厭則厭不能發發不能下致其門闔不致故無音也若咽喉音聲如故而舌不能轉運言語則為舌瘖此乃風冷之邪客於脾之絡或中於舌下

廉泉穴所致也蓋舌乃心之苗心發聲為言風邪阻塞其經絡故舌不能轉運也若舌本不能轉運言語而喉中聲嘶者則為喉瘖此亦為風冷所客使氣道不通故聲不得發而喉無音也然或風痰阻塞或因心經氣虛或因脾之脈絡受風或因風痰滯於脾之絡或因脾氣不足或胃中清氣不升皆足以致瘖大抵此症亦有稟父腎氣不足不能言者有乳母五志之火遺兒薰閉清道不能言者或兒病津液耗損會厭乾涸不能言者或

腎氣不充虛火上炎傷肺不能言者有驚風中風不能
言者若遺熱與津液耗者用七味白朮散清氣不升者
用補中益氣湯稟腎不足與虛火傷肺者用六味地黃
丸若仰首咳嗽肢體羸瘦目白睛多或兼解顱呵欠咬
牙等症悉屬腎虛非地黃丸不能救也

治驗

一小兒面色目睛多白兩足脛常熱所患之症悉屬
腎虛畢姻後唾痰口乾頭運久瀉忽然失音先君云

此亦腎虛也用補中益氣湯八味四神二九補之尋愈

一小兒亦面色目睛多白大便頻泄侵晨作瀉肌體骨立食少唾痰先君謂腎氣不足之故不信後加頭運聲瘖足脛逆冷復請治仍欲祛痰又云頭運聲瘖中氣不能上升也足脛逆冷陽氣不能充達也遂用補中益氣湯及四神八味二九以補命門之火而愈一小兒患泄瀉聲音不亮雜用清熱等劑聲音如瘖

飲食少思去後多在侵晨朝用地黃丸加五味子夕用補中益氣湯其泄頓止却專服前丸不兩月聲亮而愈

一小兒目睛白多黑少吐瀉後喉瘡口渴大便不實朝夕悉服地黃丸而痊後患瀉其喉復瘡仍服前丸遂愈

一小兒十一歲形羸骨立面皎口乾白睛多而黑睛少不能頓言用六味地黃丸補中益氣湯其形漸充

年餘而能言

一小兒解顙不言其形屬腎虛而兼疳症先用六味地黃丸以補腎水又用補中益氣湯以補肺金半載漸愈年餘疳病痊而能言

一小兒喉音不亮至十九歲咽仍不響面色赤白睛多畏明畢姻後頭覺脹視物皆大作渴飲冷亦用前二藥喜其遠幃幙戒厚味二年諸症悉愈其聲響亮世傳通關散治驚風愈後聲啞不能言者以大南星一

箇炮為末每服二分猪膽汁調下便能言語

治要茯苓補心湯 治心氣不足善悲愁怒衄血面黃

五心煩熱或咽喉痛舌本作強

茯苓

錢四

桂心

甘草

炒各三分

紫英石

煨

人參

錢各一

大

棗

二枚

麥門冬

去心

一錢

右水煎服

導痰湯

半夏

南星

茯苓

陳皮

炒

枳實

炒

甘草

炒

右薑水煎服

防風散 治脾臟中風多汗惡風身體怠惰四肢不能
動色微黃不嗜食舌強語澁口眼喎斜或肌膚不仁
腹膨心煩翕翕發熱神思如醉其脉浮緩胸滿痰涎
志意昏濁

獨活

一錢五分

防風

茯神

去木

人參

附子

炮去

皮臍

前胡

沙參

半夏

湯洗七次

黃芪

炒

旋覆花

羚羊角

鎊

甘

草

右水煎服

半夏湯

甘草 半夏 桂枝

各等分

右水煎細細呷之

鷄頭丸 治小兒諸病後不能語

雄鷄頭

炙一個

鳴蟬

炙焦三個

大黃

錦紋者濕紙裹煨

甘草

炙一兩

木通

人參

各半兩

當歸

黃芪

川芎

遠志

去心

薑汁製

麥門冬

去心焙各三分

右為末煉蜜丸小豆大平旦米飲下五九日三服兒
大者加之久服取効

射干湯 治夏秋暴寒喘咳喉啞失聲喉中如梗

半夏

五錢
湯泡

生薑

四錢
泡

杏仁

三錢
去殼
仁皮尖

射干

甘草

炙紫苑

肉桂

枳實

炒

當歸

橘皮

獨活

麻黃

去節泡
各二錢

右每二三錢水煎服

菖蒲丸

方見語遲

錢氏全蝎散

方見偏風禁

地黄丸

方見腎臟

七味白朮散

方見積痛

補中益氣湯

方見虛羸

二陳湯

方見吐噦

滯頤

小兒滯頤者涎流出而漬於頤間也脾之液為涎由脾胃虛寒不能收攝耳治用六君子湯加木香凡作渴飲

冷者屬實熱宜瀉胃火作渴飲湯者屬虛熱宜補中氣
若脾經實熱而廉泉不能約制者用牛黃清心丸脾經
虛熱而廉泉不能統攝者用六君子加木香胃經實熱
而蟲動津液流出者用瀉黃散虛熱用五味異功散大
便秘結用清涼飲中氣下陷用補中益氣湯食積內熱
用大安丸仍叅口瘡頤腫條互覽之

治驗

一小兒滯頤面色痿黃余謂當調補中氣不信用清

熱之劑更加弄舌乃用五味異功散漸愈後因停乳吐瀉復作先用大安丸消其宿乳次用五味異功散補其中氣而痊

一小兒滯頤面色赤手指熱用瀉黃散一服而愈後因乳母飲酒其子復患前症用東垣清胃散加乾葛神麴麥芽母子並服而愈

一小兒停食腹痛用疏導之藥痛止左項筋動口角涎流面色痿黃肢體微腫先用六君柴胡升麻山梔

四劑次用異功散加升麻而痊

一小兒停食腹痛服峻利之藥吐瀉自汗厥冷滯頤
用六君升麻柴胡而愈

一小兒十一歲滯頤兼噯氣下氣時常停食服清熱
之劑大便不實小腹重墜此脾氣下陷也用六君升
麻柴胡飲食漸進大便漸實又用四神丸而愈

一小兒滯頤面色白或鰲腹痛手足時冷脉微細此
肺腎虛寒也宜先培其脾土用溫胃散二服腹痛頓

止又六君子湯諸症並愈後停食挾驚吐瀉發搐滯
頤腹痛復作用六君加柴胡釣藤鈎四劑而痊

一小兒吐舌流涎余謂心脾有熱用導赤瀉黃二散
而愈後自服清熱化痰等藥更加弄舌余用異功散
加釣藤鈎而安又用六君湯而愈

一小兒滯頤面色白或赤目劄咬牙此稟肝腎氣不
足內熱而生虛風也用地黃丸以滋腎水異功散以
補脾土而安

一小兒滯頤面青手按其腹則叫痛此夾食與驚也
用異功散加枳實升麻二劑而愈後又停食吐瀉滯
頤發搐面色青黃此脾虛而肝木乘之也用異功散
加升麻柴胡鈞藤鈞而愈

溫胃散 治脾冷涎多流滯於頤

丁香一兩 人參 半夏 肉荳蔻 白朮 乾薑

甘草 各半兩

右為末每服一錢薑水煎

愚按此方治脾胃虛寒涎流不止或嘔吐腹痛之良劑也脾氣稍溫但服五味異功散

六君子湯

錢氏異功散

四君子湯

清胃散

四方見內銷

四順清涼飲

補中益氣湯

方見虛羸

大安丸

保和丸加白朮方見虛羸

瀉黃散

方見脾臟

牛黃清心丸

方見急驚

四神丸

方見驚瀉

導赤散

方見心臟

腹痛

小兒腹痛口中氣冷不思飲食脾土虛寒也用調中丸
主之口中氣溫大便秘積痛也用下積丸治之面赤

壯熱或手足並熱實熱也用瀉黃散瀉之面黃微熱或
手足並溫虛熱也用異功散補之若作渴飲湯胃氣虛
熱也用白朮散若痛連兩脇肝木乘脾也用四君子湯
加柴胡芍藥若腹痛重墜脾氣下陷也用補中益氣湯
加升麻若手足指冷或吃逆泄瀉寒水侮土也用六君
炮薑肉桂不效急加附子若服尅滯之藥致腹作痛按
之不痛脾氣復傷也用五味異功散中脘痛者屬脾少
腹痛者屬腎按之痛者為積滯不痛者為裏虛積滯者

消之裏虛者補之

治驗

一小兒停食腹痛發熱面赤或用養胃湯枳殼黃連
山查反加腹脹午後發熱按其腹不痛此脾虛而尅
伐傷之也用六君子湯數劑而瘥

一小兒七歲發熱驚悸用化痰藥反抽搐惡寒吐痰
喘嗽腹痛少食用抱龍丸大便秘似痢寒熱往來殊類
風症余以為脾氣復損用四君子湯少加升麻柴胡

治之月餘而愈

一小兒肚腹膨痛食後即瀉手足逆冷此脾氣虛寒也先用人參理中丸後用六君子湯而愈

一小兒九歲常患腹痛至冬月因食生冷之物其腹仍痛服理中丸之類輒效至十六歲秋初畢姻後腹痛又作唇面黯爪甲青余先君用八味丸補火隨愈服四兩許痛不再作至二十歲外痛復作服前丸不應乃服附子理中湯而止仍用八味丸而安

一小兒腹痛吐舌流涎作渴飲冷便秘用清涼飲下
之頓安余謂小兒元氣易虛易實病勢稍安不必再
藥不信自用三黃丸一服果吐瀉發搐余用白朮散
加釣藤鈎補脾平肝而愈

四七氣湯 治七氣所傷痰涎結聚心腹作痛不能飲
食

半夏

製焙
五兩

人參

辣桂

去皮各
一兩

甘草

半兩

右每服三錢薑棗水煎

指迷七氣湯 治七情相干陰陽不升降氣道壅滯攻

衝作痛

青皮 陳皮 桔梗 蓬朮 辣桂 益智仁 各

兩 香附子 一兩五錢 甘草 炙三分 半夏 製三分

右每服三錢薑棗水煎

異功散 治小兒諸般釣症角弓反張胸高臍凸以透

明沒藥為末薑湯調下 方見內釣即
錢氏異功散

桔梗枳殼湯 治氣壅痞結腹脇疼痛

枳殼

炒

桔梗

各二兩

甘草

炙半兩

右每服二三錢薑水煎

七味白朮散

治積痛和胃氣生津液

方見積痛

愚按前方若脾胃氣虛作渴飲湯或因吐瀉津液虧損煩渴引飲或脾胃虛弱腹脹瀉渴弄舌流涎手足指冷並宜服之以溫補脾氣化生津液

方見積滯

六君子湯 治脾胃氣虛吐瀉不食肌肉消瘦或肺金虛痰嗽喘促惡寒或肝虛驚搐眩運有汗諸症並宜

服此以滋化源 方見內鈞

瀉黃散 方見脾臟

四君子湯 方見內鈞

補中益氣湯 方見虛羸

八味丸 方見腎臟

附子理中湯

人參理中丸 二方見冷瀉
即理中湯

益黃散 方見脾臟

調中丸

方見脾胃虛冷

腹脹

東垣云寒脹多熱脹少皆主於脾胃虛者宜用六君子湯若喘而氣短者脾肺氣虛也用異功散補之若服尅伐之類而喘脹益甚者脾肺之氣復傷也用前湯加半夏升麻若既下而不喘則邪氣去而肺氣寧也不必用藥或病久小便不利或四肢浮腫者脾肺之氣虛不能通調水道也用金匱加減腎氣丸主之或手足逆冷睡

而露睛脾胃虛寒也用六君子加炮薑手足不冷睡而
露睛脾胃虛弱也用六君子湯若面色青木尅土也用
六君木香柴胡更當調治乳母節其飲食恐藥餌過劑
復傷胃氣故也

治驗

一小兒腹脹面赤痰喘大便秘壯熱飲冷此形病俱
實用紫霜丸一服諸症益甚面色頓白飲湯不絕余
以為邪氣退而真氣復傷故面白而喜湯用白朮散

大劑煎湯令恣飲良久而睡翌日頓安

一小兒傷食腹脹胸滿有痰余治以異功散而痊後復傷食腹脹兼痛或用藥下之痛脹益甚而加氣喘此脾胃傷而致肺虛也用六君子加桔梗調補而痊一小兒腹脹惡食發熱惡心症類外感余曰此飲食停滯也用保和丸一服諸症頓退惟腹脹用異功散而痊

一小兒傷食腹脹服尅伐之劑小便澁滯又服五苓

散之類飲食漸減小便不通四肢頓腫余朝用金匱
腎氣丸去附子夕用補中益氣湯而安

一小兒傷風咳嗽痰湧用六君桔梗桑皮杏仁而愈
復飲食停滯作瀉腹脹仍用六君山查厚朴而安後
停食作嘔或用藥下之更加咳嗽余謂此屬脾肺俱
虛欲行調補彼以為緩乃發表尅滯前症益甚更加
搖頭余用天麻散倍加釣藤鉤及異功散尋愈

一小兒五歲食粽後咬牙欲吐頃間腹脹昏憤鼻青

黃赤此脾土傷而食厥也令用鷄翎探吐出酸物頓醒節其飲食勿藥而愈

一小兒胸腹脹發熱煩悶以手按腹即哭此飲食停滯也先用保和丸一服前症即愈更加煩渴按其腹不哭此宿食去而脾胃復傷也用五味異功散加柴胡治之頓瘳

一小兒腹脹大便青白腹左一塊面色痿黃齒齲赤爛食少滯頤余用異功散調補中氣為主佐以大蕪

美湯清疔治熱月餘諸症稍愈仍服異功散及蚬蟆
丸外貼阿魏膏兩月塊消左脇微痛用四君子湯九
味蘆薈丸而愈

褐子丸 治疔腫脹

蘿蔔子

一兩
微炒

陳皮

青皮

炒

檳榔

五靈脂

蓬

木

煨

赤茯苓

黑牽牛

頭末各
半炒

木香

二錢
五分

右為末麵糊丸菴荳大每服十五丸紫蘇湯下

金匱加減腎氣丸

熟地黃

八兩

乾山藥

四兩

山茱萸

四兩

白茯苓

牡丹皮

澤瀉

各三兩

肉桂

附子

炮

車前子

炮

牛膝

酒微炒各一兩

右各另為末米糊丸小豆大每服三四十九空心食

前白湯下

紫霜丸

方見噤風

大柴胡湯

方見瘕症

五苓散

方見五淋

保和丸

方見虛羸

天麻散

方見百疳內嗽

大蕪荑湯

蚶蜆丸

九味蘆薈丸

三方見疳症

癖塊痞結

錢仲陽云癖塊者僻於兩脇痞結者否於中脘此因乳哺失調飲食停滯邪氣相搏而成或乳母六淫七情所致古人多用尅伐痞癖既久飲食減少脾氣必虛久而

不愈必先以固胃氣為主使養正則積自除若欲直攻其結不惟不能善消抑亦損其脾土虧凡脾土虧損必變症百出矣當參各類及隨見症而主治之

治驗

一小兒患痞服檳榔蓬朮枳實黃連之類痞益甚
余曰此脾經血虛痞也不可剋伐遂用六君子加當歸數劑胃氣漸復諸症漸愈乃朝用異功散加升麻柴胡夕用異功散加當歸芍藥而愈

一小兒素嗜肉食腹痛大便不調半載後右脇結一塊三月後左脇又結一塊腹脹食少作渴小便赤濇大便色穢又半載後額下亦結一核妄服消塊行滯等藥而元氣益虛用四味肥兒丸五味異功散之類熱渴漸止腹脹漸可佐以九味蘆薈丸結核漸消後用四君子為主佐以四味肥兒丸之類三月餘而瘥一小兒停食吐瀉後飲食不節作瀉腹痛膨脹腹中結塊作渴發熱齕爛口臭服消導剋滯之藥而前症

益甚形體益瘦視其面色黃中隱青乃脾土虧損而肝木所侮也法當調補中氣兼平肝木遂用冲和湯及大蕪荑湯之類半載而愈

一小兒患痞結服剋滯之藥余謂屬形病俱虛當補中氣彼不信仍行剋伐遂致虛火上炎齒齕蝕爛頷下結核余用大蕪荑湯及異功散加減用之而安

一小兒患痞結久而四肢消瘦肚腹漸大寒熱嗜卧作渴引飲用白朮散為主佐以四味肥兒丸月餘諸

症漸愈又以異功散加當歸并六味地黄丸又月餘而愈

一小兒患痞結身熱如火病狀多端不可盡述朝用五味異功散夕用四味肥兒丸月餘諸症稍愈佐以地黄丸自能行立遂朝用地黃丸夕用異功散及蝦蟇丸數服而愈

揆痞丸 治乳癖穀癥腹中塊痛

代赭石

火煨
淬研細醋

青皮

生地黃

木香

蓬朮

煨各

三錢 巴豆 去油淨
六錢

右為末醋糊丸麻子大每服二三丸食後薑湯下

甘遂破結散

甘遂

二錢五分 煨黃

青皮

煨

黃芩

炒

大黃

炒各半兩

右為末每服一錢水煎服仍量兒加減利後以粥補之

進食丸 治乳食不消心腹脹滿壯熱喘粗嘔吐痰逆

腸鳴泄瀉或食癥乳癖瘰癧氣痞結並皆治之

巴豆霜

當歸

米泔浸炒

朱砂

代赭石

醋煨 七次

枳殼

炒木香各五錢麝香一分

右為末糊丸麻子大每服一二丸溫米飲下更量兒

加減

枳朮丸

白朮四兩枳實二兩

右為末荷葉包煨爛飯為丸桐子大每服四五十丸

空心白滾湯下

阿魏膏 治一切癰塊痞結更服胡連丸

羌活 獨活 玄參 官桂 赤芍藥 穿山甲

生地黃 兩頭尖 大黃 白芷 天麻 錢各五 槐

柳桃 枝各錢三 紅花 錢四 木鼈 十枚 亂髮 如鷄子大一團

右用香油二斤四兩煎黑去渣入髮煎化仍去渣徐下黃丹煎軟硬得中入芒硝阿魏蘇合香油乳香沒藥各五錢麝香三錢調勻即成膏矣攤貼患處內服丸藥黃丹須用正真者效凡貼膏藥先用朴硝隨患處鋪半指厚以紙覆上用熱熨斗熨良久如硝耗再

加熨之二時許方貼膏藥若是疳積加蘆薈末同熨

六味地黃丸

方見腎臟

四君子湯

異功散

六君子湯

三方見內鈞

四味肥兒丸

方見嘔吐

大蕪荑湯

一名冲和丸

蝦蟇丸

九味蘆薈丸

三方見疳症

白朮散

方見積痛

積滯

經曰五臟之積曰積六腑之積曰聚凡小兒積滯或作痛皆由乳哺不節過餐生冷脾胃不能尅化停滯中脘久而成積或因飽食即卧脾失運化留而成積其症面目黃腫腹痛膨脹肚熱足冷嗜卧不思乳食大便酸臭或悶澀小便如油若吐乳瀉乳所出酸臭者為乳積腹

脹作瀉嘔吐噦氣者為食積初患元氣未損之時或腹
脹作痛大小便不利者先用白餅子或木香檳榔丸下
之下後以白朮散或五味異功散和之渴加乾葛吐加
半夏下而熱不退或作嘔作瀉飲食不思此脾胃俱傷
也用六君子湯手足指冷喜飲熱湯此脾胃虛寒也前
方加炮薑木香面色黃白目無精光脾肺俱虛也用四
君子加柴胡升麻腹痛泄利下重或小便不利者用四
逆散發熱晡熱或瀉未已脾氣下陷也潮熱口渴大便

不調欲變疳症也並用補中益氣湯佐以肥兒丸經云
邪之所湊其氣必虛留而不去其病乃實必以調脾為
主而以消導佐之古人所謂養正積自除正此意也

治驗

一小兒每停食身發赤暈用清中解鬱湯而愈後患
搖頭咬牙痰盛發搐吐出酸腐待其吐盡翌日先與
七味白朮散次與參苓白朮散遂不復作若吐後兒
安更不必服藥也

一小兒飲食積滯患嘔吐發熱服消導等劑飲食已消而熱未退余以為胃經虛熱用六君升麻柴胡各二分四劑而愈

一小兒七歲停食後腹痛服剋伐之劑而益加按之不痛此脾氣復傷也用六君子湯而愈後復傷食服保和丸及三稜檳榔之類而更腹痛服瀉黃散體重善噫此脾氣虛而下陷也仍用六君升麻柴胡木香而愈

一小兒數歲間每停食輒服峻利之藥後肚腹膨脹嘔吐泄瀉先用六君子湯諸症漸愈又用補中益氣湯而安

一小兒腹脹飲食後即瀉手足逆冷此脾氣虛寒也先用人參理中丸後用六君子湯而愈

一小兒腹痛以手按之痛益甚此乳食停滯也用保和丸末一錢檳榔末三分下酸臭糞而安後患腹痛別服峻利之劑其痛益甚手按則已面色黃白此因

飲食失宜脾氣不調土虛不能生金也用六君子湯而愈

一小兒久患腹痛診其母右關脉弦緩乃木尅土也用六君子湯加木香柴胡母子並服而愈

一小兒停食腹痛面色白黑睛少手足常冷大便秘實口鼻吸氣腹中陰冷此稟命門火衰不能溫蒸中州之氣故脾胃虛寒也用八味丸補中益氣湯而愈
一小兒患前症服驅逐之劑更惡寒發熱余朝用補

中益氣湯夕用五味異功散尋愈後飲食停滯腹痛
便秘別用疏導之劑朝寒暮熱大便頻數余用五味
異功散月餘飲食漸進乃佐以八珍湯內芍藥炒焦
川芎些少又兩月寒熱漸愈後又傷風服參蘇飲汗
出喘嗽發熱服清熱化痰之劑更煩熱不寐尋衣撮
空先用六味地黃丸料水煎服諸症頓退再劑而安
却用五味異功散八珍湯而痊後因傷食吐瀉大便
欲去而不去欲了而不了先用補中益氣湯數劑不

應改用人參五錢白朮三錢陳皮甘草各七分升麻四分乾葛五分三劑又手足並冷急用人參一兩附子五分薑棗水煎一日服二劑手足始溫又二劑諸症漸退仍用前人參五錢之方治之而愈

七味白朮散 治吐瀉作渴

人參

二錢五分

白茯苓

白朮

藿香葉

各半兩

木香

二錢

甘草

一錢 乾葛

半兩 加一兩

右每服一二錢水煎熱渴甚去木香肚痛加芍藥

四逆散 治少陰病或腹中痛泄痢下重

枳實

炒黃

甘草

炒

柴胡

芍藥

右為細末每服二錢空心米飲調下

白餅子

方見發搖

木香檳榔丸

方見積滯

五味異功散

六君子湯

二方見內釣

補中益氣湯

方見虛羸



薛氏醫案卷五十八

欽定四庫全書

子部

薛氏醫案卷五十九

詳校官八醫院醫官_臣姜晟

編修_臣倉聖脈覆勘

總校官原任中允_臣王燕緒

校對官助教_臣卜維吉

謄錄監生_臣汪存靖

欽定四庫全書

薛氏醫案卷五十九

明薛己訂

保嬰撮要六

發熱症

小兒之熱有心肝脾肺腎五臟之不同虛實溫壯四者之不一及表裏血氣陰陽浮陷與夫風濕痰食各當詳之心熱者額上先赤心煩心痛掌中熱而嘔或壯熱飲

水已午時益甚肝熱者左頰先赤便難轉筋尋衣捻物
多怒多驚四肢困倦寅卯時益甚脾熱者鼻上先赤急
惰嗜卧身熱飲水遇夜益甚肺熱者右頰先赤手搯眉
目喘咳寒熱飲水日西熱甚腎熱者頰下先赤兩足熱
甚骨蒸如蟲蝕熱甚不能起於牀夜間益甚仍當辨
其虛實實則面赤氣粗口燥唇腫作渴飲冷大小便難
或掀衣露體煩啼暴呌伸體而卧睡不露睛手足指熱
宜用表下虛則面色青白恍惚神緩口中虛冷噓氣軟

弱喜熱惡寒泄瀉多尿或乍涼乍溫怫鬱驚悸上盛下
泄夜則虛汗屈體而卧睡而露睛手足指冷宜用調補
壯熱者肢體大熱熱不已則發驚癇溫熱者肢體微熱
熱不已則發驚搐陰虛則內熱陽盛則外熱以手輕捫
之則熱重按之不熱此皮毛血脉之熱熱在表也重按
之筋骨之分則熱輕手則不熱此筋骨之熱熱在裏也
不輕不重按之而熱此肌肉之熱熱在表裏之間也以
虛實分屬表裏而言之壯熱惡風寒為元氣不充表之

虛熱也壯熱不惡風寒為外邪所客表之實熱也壯熱
飲湯為津液短少裏之虛熱也壯熱飲水為內火銷鑠
裏之實熱也若夫內外皆熱則喘而渴齒乾煩冤腹滿
四肢熱逢風寒如炙於火能冬不能夏是皆陽盛陰虛
也脉尺寸俱滿為重實尺寸俱弱為重虛脉洪大或緩
而滑或數而鼓此熱盛拒陰雖形症似寒實非寒也熱
而脉數按之不鼓此寒盛格陽雖形症似熱實非熱也
發熱惡熱大渴不止煩燥肌熱不欲近衣其脉洪大按

之無力或兼月痛鼻乾者此血虛發躁也當補其血如
不能食而熱自汗者氣虛也當補其氣仲景論內外不
足發熱自汗之症禁不可發汗如飲食勞役雖病發熱
誤發其汗則表必虛也身熱而汗出者風也發熱身疼
而身重黃者濕也增寒發熱惡風自汗脉浮胸痞者痰
也發熱頭痛脉數者食也寸口脉微為陽不足陰氣上
入陽中則惡寒尺脉弱為陰不足陽氣下入陰中則發
熱陰陽不歸其分則寒熱交爭也晝則安靜夜則發熱

煩躁是陽氣下陷入陰中也晝則發熱煩躁夜則安靜
是重陽無陰也當亟瀉其陽峻補其陰至若身熱脉弦
數戰慄而不惡寒者瘧瘧也發熱惡寒脉浮數也溫病
也若四肢發熱口舌咽乾是火熱乘土位濕熱相合故
煩躁悶亂也若身體沉重走注疼痛乃濕熱相搏風熱
鬱而不得伸也心熱則用瀉心湯導赤散安神丸肝熱
則用瀉青丸柴胡飲子脾熱則用瀉黃散肺熱輕則用
瀉白散重則用涼膈散及地骨皮散腎熱則用滋腎丸

實熱則宜疏下虛熱則宜調補壯熱者導赤散溫熱者
瀉黃散若肢體熱輕則用惺惺散重則用羌活散之類
大便秘者二黃犀角散餘熱不退者地骨皮散骨節疼
痛者梔子仁湯宿滯內作者紫霜丸肝火內熱者龍膽
草湯陰盛隔陽而熱者人參理中湯肝經血虛生風而
搐者用四物天麻釣藤鉤若熱蘊便秘者四順清涼飲
熱而二便調和風邪蘊結於表而發者用惺惺散加麻
黃汗之汗後血虛而熱益甚者六神散加粳米汗後氣

虛而惡寒發熱者補中益氣湯汗後陰虛陽無所附而
熱者用四物湯加參芪汗後陽虛陰無所附而熱者用
四君湯加芎歸嬰兒諸熱其因別症而作者當從所重
而治之或乳母七情厚味飲食停積遺熱於兒或兒嗜
食甘肥衣衾過煖或頻浴熱湯積熱於內為患者各當
詳之蓋小兒臟腑脆弱元氣易虛補泄宜用輕和之劑
庶無變症若乳下嬰兒當兼治其母仍參諸熱症治之

治驗

一小兒夜間發熱天明如故或小腹作痛飲食少思
面色痿黃熱時面赤不時飲湯此食積所致用下積
丸治之而消又用白朮散調理而安

一小兒飲食停滯腹痛作嘔用大安丸而愈飲食雖
進其腹仍痛用六君山查神麴痛少止余以為脾氣
傷而飲食難化乃去前二味服六君子四劑而愈後
又傷食仍服前藥痛止而至暮發熱用六君柴胡升
麻而痊此由脾虛下陷不能升發故至暮發熱也

一小兒發熱飲食少思大便不實常服蘆薈等丸視其鼻赤此寒涼之劑復傷脾至而虛熱也用五味異功散數劑而愈

一小兒十三歲內熱晡熱形體倦怠食少作渴此稟賦怯弱之虛熱也用地黃丸異功散補之不越月而痊

一小兒十四歲而近女色發熱吐痰至有室兩目羞明頭覺脹大用地黃丸料加五味子當歸黃芪煎服

及補中益氣湯得慎疾而瘥

一小兒十四歲肢體倦怠發熱晡熱口乾作渴吐痰如湧小便淋瀝面目赤色身不欲衣此稟腎不足而虛熱也用補中益氣湯六味丸而愈

一小兒五歲發熱作渴右顙鼻準微赤或與冷水涼藥即時嘔吐余曰右顙微赤肺經虛熱也鼻準微赤胃經虛熱也先用四君升麻一劑吐止又用白朮散二劑而不渴更用四君子湯四劑而安

一小兒九歲發熱作渴用瀉黃散大便重墜口角流涎彼欲瀉火余曰鼻準青白脾胃虛寒肝木所侮也口角流涎脾氣不能攝也大便秘重墜胃氣不能升也不信竟服涼藥眉唇微動四肢微搐復求治余曰此虛極而變慢脾風矣用六君炮薑當歸木香釣藤鈎二劑益甚欲求更劑余曰藥力未及耳又加炮附子一片即安後去附子二劑而愈

一小兒四歲停滯腹痛發熱用大安丸而飲食進又

用六君山查神麴四劑而痛止復傷食至暮復熱用
六君柴胡山梔升麻而痊此脾虛兼肝火之治法也
一小兒發熱體瘦夜間遺尿日間頻數此稟脾腎不
足用補中益氣湯加補骨脂及地黃丸加鹿茸治之
而痊畢姻後小便頻數作渴發熱服補陰丸等藥發
熱尤甚小便如淋用補中益氣湯六味地黃丸而愈
一小兒體瘦腹大發熱嗜卧作渴引飲先用白朮散
為主佐以四味肥兒丸諸症漸愈又用異功散六味

九而愈

一小兒十四歲傷食發熱服消食丸胸腹膨脹發熱作渴此脾氣復傷也先用四君升麻柴胡飲食漸進用補中益氣湯而愈後因勞心發熱少食用四君升麻柴胡而愈

一小兒傷風咳嗽服參蘇飲加痰盛喘急腹脹不食此脾肺虛而復傷也用六君柴胡桔梗一劑諸症頓愈用六君子湯而痊

一女子十四歲發熱至夜益甚久不愈左關脉弦數
右關脉微按之亦弦此肝火血熱脾胃虛弱先用四
物二連湯加柴胡山梔牡丹皮二劑熱稍退又二劑
熱頓退再用加味逍遙散白朮加三錢數劑而痊

嘉靖癸丑閏三月渠下第北歸犬子麟孫方病瀉不
食遍體如焚胸滿腹冷痛日夜不成寢或投以山楂
枳殼中氣愈弱瀉愈甚不食至累月日進米飲一半
甌或糕餌棗栗少許稍過節度則肢體熱益壯腹痛

不解奄奄喘息旦暮不保矣立齋先生枉視之則曰
此胃虛不能納脾濕不能運病在戊己深且久兼木
氣所乘脫服攻治之藥則殆矣亟用補中益氣湯數
裏熱稍退瀉不食如初先生復曰此勿亟惟胃氣漸
復濕漸除當自得效耳改用六君兼補中湯仍服八
味丸生命門火以滋脾土如是三月諸症悉退納穀
倍常日惟稍遇形役或記誦心勞則潮熱迭發先生
復授以歸脾方加梔柴二種熱尋止形氣日充甲寅

七月偶觸暑飲冷前症復作間發瘧疾熱晝夜不止
先生曰此虛寒偏陽法當舍時從症用補中湯多加
炮薑益以生薑二兩及口而瘧止面色青黃相錯更
患痢或謂參芪炮薑不宜先生哂之且曰此固虛弱
自利耳往嘗謂戊巳受病木氣乘之此青黃二色非
正形耶仍用補中益氣多加柴胡參朮數日而痢止
餘症亦漸解脫惟吾兒襁褓失母渠每姑息之故其
惟外溫而中易怒渠少孤遭家多難藜藿恒不充兒

幼多病失調養故形怯而胃弱致疾之原其所由來者漸矣先生洞微燭幽知其病深且久而堅持獨見以祛政治之惑吾兒再造之慈何幸得此於先生哉先生之曾大父與先廷評公為中表兄弟先君與先生同宦游京師末年尤敦泉石之雅先生盛德及於犬子能使先人後嗣永存區區志感誠不能盡萬分之一也是歲冬十月望眷晚生張慕渠頓首頓首嘉靖甲寅敬臣之女年十二患脾胃素弱自夏入秋

時瀉時止小腹微痛至八九月間遂成疳積之症發熱凡二十餘日不止汗泄熱解汗已復熱自中脘至小腹膨脹堅直大便溏氣喘咳嗽作噁俱晝輕夜重徹夜煩躁不睡鼻塞眼暗譊語其母以為必死矣立齋先生診之曰脉浮大而無根此大虛證也非獨參湯不可乃用參一兩加熟附三分煨生薑三片日進二劑仍併渣煎服之大下疳積其氣甚腥腹漸寬熱漸減脉漸斂然手猶尋捻不已鼻孔出血先生曰此

肝證也煎六味丸料與一服如脫乃晝服獨參參薑
附湯夜服六味丸料脉漸有根諸證漸退先此手足
恒熱至是乃始覺寒先生喜曰此病邪盡退而真氣
見矣然猶飲食不進乃單用六君子湯加炮薑遂能
食咳嗽獨甚與補中益氣湯嗽遂止夜始有睡凡弱
女之得生皆先生力也向非先生卓有定見專治其
本而其末自愈則奄奄一息之軀豈堪雜劑之攻擊
哉其為丘中之骨蓋必然矣敬臣感激之餘無由以

報敬書施療之顛末以附醫錄庶不泯先生之功且
以告同患此者幸無所悞亦推廣先生一念之仁於
萬一云爾孟冬望日眷晚生王敬臣頓首拜書

敗毒散 治傷風瘟疫風濕頭目昏眩四肢作痛增寒
壯熱項強睛疼或惡寒咳嗽鼻塞聲重

柴胡 前胡 川芎 枳殼 羌活 獨活 茯苓

苓 桔梗 人參 甘草

各一兩半

右每服二錢生薑薄荷水煎

滋腎丸 治腎熱

黃柏

酒拌炒
焦三錢

知母

二錢
肉桂
五分

右為末熟水丸桐子大每服二十九至三十九食前

百沸湯下

四順清涼飲 治小兒血脈壅實臟腑蓄熱頰赤作渴

五心煩熱睡卧不安四肢驚掣及因乳哺不時寒溫
失度令兒血氣不順腸胃不調大小便澁欲發驚癇
或風熱結核頭面生瘡目赤咽痛瘡疹餘毒一切壅

滯挾熱泄瀉不止加木香煨大黃

赤芍藥 當歸 甘草 大黃

各等分

右每服一錢水煎作兩服

消風散 治小兒解脫致令風邪客於皮毛入於臟腑

則令惡風發熱胸膈痰涎目溢多睡

方見驚癇胎症

小柴胡湯 治傷寒溫熱身熱惡風頭痛項強四肢煩

疼往來寒熱脇痛耳聾嘔噦痰實中暑瘧疾並服之

方見天鈞

愚按前方若肝膽經風熱肝火癰痲寒熱往來日晡發熱潮熱不欲飲食或怒火口苦耳聾咳嗽或脇痛臑滿小便不利或泄瀉吐酸苦水或肢體搖動唇目抽搐及乳母有前症致兒為患者並宜服之

抑肝散 治肝經虛熱發搐或發熱咬牙或驚悸寒熱

或木乘土而嘔吐痰涎腹脹少食睡卧不安

方見肝臟

梔子清肝散

一名柴胡梔子散

治三焦及足少陽經風熱發熱

耳內作痒生瘡或腹中作痛或胸乳間作痛寒熱往

來

柴胡

梔子

炒

牡丹皮

各一錢

茯苓

川芎

芍藥

當歸

牛旁子

炒各七分

甘草

三分

右水煎服

柴胡清肝散

治肝膽三焦風熱怒火或乍寒乍熱往

來寒熱發熱或頭發瘡毒等症

柴胡

一錢五分

黃芩

炒

人參

川芎

各一錢

山梔

炒

半連

翹

甘草

各五分

桔梗

八分

右水煎服

柴胡飲子 解肌熱蒸熱積熱或汗後餘熱脉洪實弦

數大便堅實

黃芩

七分

甘草

四分

大黃

八分

芍藥

七分

柴胡

人參

各五分

當歸

一錢

右每服一錢薑水煎

當歸補血湯 治肌熱躁熱目赤面紅煩渴晝夜不息

其脉洪大而虛重按全無此脉虛血虛也若誤服白

虎湯必死宜此主之

黃芪

當歸

各等分

右水煎服

三黃丸 治三焦積熱眼目赤腫頭項腫痛口舌生瘡
心膈煩躁不美飲食大小便秘澀五臟實熱或下鮮
血瘡癰熱症

黃連

黃芩

大黃

煨各等分

右為末煉蜜丸桐子大每服三十丸白滾湯下量大

小加減服

白虎湯 治傷寒或吐或下後七八日邪毒不解熱結
在裏表裏俱熱時時惡風大渴舌上乾燥而煩欲飲
數升者宜服之又治夏月中暑汗出惡風寒身熱而
渴

知母

三兩

甘草

一斤

石膏

八兩

糯米

三合

右每服二三錢水煎至米熟為度

瀉黃散

方見脾臟

瀉心湯

方見心臟

地黃散

方見腎臟

清涼飲

柴苓散

二黃犀角散

牛黃散

黃龍湯

牛黃膏

施子仁湯

六物黃芩湯

五物人參飲

地骨皮散

十方見潮熱

惺惺散

理中湯

二方見咳嗽如人參即人參理中湯

龍膽湯

紫霜丸

二方見喉風撮口

四物湯

方見急驚

六神散

方見夜啼

白朮散

方見積痛

羌活散

方見驚風

下積丸

方見積滯

補中益氣湯

大安丸

即保和丸
白朮二方加

六君子湯

四君子湯

加味逍遙散

異功散
四方見內釣

瀉白散
方見肺臟

瀉青丸
方見肝臟

涼膈散
方見瘡瘍

八珍湯
方見寒熱

潮熱

錢仲陽曰潮熱者時間發熱過時即退來日依時而至
有風寒疳積食癖之分陰陽虛實五臟之異如汗出身
熱呵欠面赤者風熱也傷寒時疫陰陽相勝外感熱也
肌瘦口乾骨蒸盜汗疳熱也大小便閼澀汗下不解積
熱也腹背先熱夜發旦止食熱也涎嗽飲水乳食不消
癖熱也又有煩熱者氣竈喘促心躁不安頰赤口瘡兼
發癰症瘡疹熱者耳鼻尖冷血熱者已午間發至夜則
涼虛熱者困倦少力發於病後陽邪干心則來去不定

陰陽相勝則寒熱如瘧前症在小兒有因乳母或妊娠
七情厚味遺熱或飲食停積衣衾過煖及頻浴熱湯而
為患若寅卯辰時熱而力盛飲水者肝經實熱也用柴
胡清肝散熱而力怯飲湯者肝經虛熱也用六味地黃
丸巳午時熱心經也實用導赤散虛用秘旨安神丸申
酉戌時熱肺經也實用瀉白散虛用秘旨保脾湯亥子
丑時熱腎經也用地黃丸大凡壯熱飲水大便秘結屬
實熱用二黃犀角散下之熱渴飲湯大便如常屬血虛

用四物湯補之若下後陰虛陽無所附而仍熱用四物
參芪汗出陽虛陰無所生而仍熱用四君芎歸若汗下
後煩渴面赤血虛發躁也當歸補血湯若見驚搐等症
肝血虛而内生風也用四物天麻釣藤鈎頰赤口乾小
便赤澁大便焦黃表裏俱實熱也用清涼飲子如大便
已利或熱未止表邪未解也惺惺散未應加麻黃微汗
之既汗而仍熱此表裏俱虛氣不歸原陽浮於外而虛
熱也六神散加粳米陽氣下陷於陰中而發熱者用補

中益氣湯若乳下嬰兒當兼治其母

一小兒潮熱煩渴大便乾實氣促咳嗽右頤色赤此肺與大腸有熱用柴胡飲子一服頓愈後因微驚發搐咬牙頓悶此肝脾氣血虛也用四君芎歸釣藤鈎而愈

一小兒潮熱發躁左腮青赤此心肝血虛用秘旨安神丸及四物防風酸棗仁漸愈又用六味地黃丸調補肝腎而痊

一小兒潮熱發搐痰涎上湧手足指冷左顙至申酉時青中隱白手足時搐此肝經虛弱肺金所勝而潮搐脾土虛弱而手足冷也用補中益氣湯調補脾肺用六味地黄丸滋補肝腎而愈蓋病氣有餘當認為元氣不足若用瀉金伐肝清熱化痰則誤矣

一小兒寅卯時發熱或兼搐有痰服抱龍瀉青二丸而愈後復患服前藥兼咳嗽氣喘不時發搐面赤色或青黃或浮腫或流涎余謂咳嗽氣喘脾肺氣虛也

不時發搐肝木乘脾也面青黃肝入心脾也浮腫流涎脾氣虛也用益智丸以養心血補中益氣湯以補脾氣而愈

一小兒腹痛作嘔飲食少思至暮腹脹發熱此脾虛下陷朝用補中益氣湯夕用六君柴胡升麻而愈後因勞不時寒熱夜間盜汗用十全大補湯而愈

一小兒夜間發熱腹脹余謂脾虛肝盛朝用五味異功散夕用四味肥兒丸熱止乃朝用六味地黃丸夕

用異功散而痊

一小兒已午時發熱驚悸發時形氣倦怠而黃懶食
流涎飲湯余謂心氣不足所致不信反服涼心之藥
更加吐瀉睡而露睛手足並冷幾至慢脾風先用六
君薑桂佐以地黃丸而愈

一小兒亥子時患前症用益黃散而愈後復發服前
藥及清熱之劑病發不時嗜卧露睛作渴少食大便
頻黃予謂脾虛而肝木勝之兼元氣下陷也用補中

益氣湯佐以地黃丸而愈

一小兒先停食服尅伐之藥致面色痿黃體倦少食
申酉時潮熱或用清熱消導之劑更加泄瀉予先用
六君子湯數劑後用補中益氣湯漸愈

一小兒申酉時發熱面赤腹中作痛或用峻利之劑
下之致發搐吐痰作渴腹痛按之即止此脾胃傷而
變症也用七味白朮散補中益氣湯頓安

柴苓散 治壯熱來去

柴胡 麥門冬 去心 焙 人參 赤茯苓 甘草 各半 兩

黃芩 一兩

右為末每服二錢入小麥二十粒青竹葉三片水煎服

二黃犀角散 治溫壯心熱神不安大腑秘結

犀角屑 大黃 酒浸 蒸 釣藤鈎 梔子仁 甘草

黃芩 各半 兩

右為末每服五分熱湯調下量兒加減

牛黃散 治溫壯常熱或寒熱往來

牛黃

研

甘草

兩各半

柴胡

梔子

酒炒

龍膽草

酒炒

黃芩

炒各二錢五分

右為末每服五分以金銀薄荷湯調下

黃龍湯 治發熱不退或寒熱往來

柴胡

五錢

黃芩

炒

甘草

炙各二錢

赤芍藥

三錢

右每服一錢薑棗水煎

牛黃膏 治壯熱咽喉涎響或不省人事或左右手偏

搐或唇口眼鼻顫動此熱涎內蓄風邪外感也宜急服之

蝎尾

四十枚

巴豆肉

去油膜一分

梅花腦

半匙

辰砂

研二錢

牛黃

許少

麝香

一匙

鬱金

三錢皂角水煮

右為末每服一匙蜜水調下量兒虛實用之

梔子仁湯

治陽毒壯熱百節疼痛下後熱不退者

梔子仁

酒炒

赤芍藥

大青

知母

各一兩

升麻

黃

芩

酒炒

石膏

各二兩

柴胡

一兩五錢

甘草

五錢

杏仁

二兩皮麩炒微

去

黃

右每服三錢生薑三片水煎服

六物黃芩湯 治壯熱腹大短氣往來寒熱飲食不化

黃芩

酒炒

大青

甘草

炙

麥門冬

心去

石膏

各半兩

桂

三錢

右每服一二錢水煎服

五物人參飲 治壯熱咳嗽心腹脹滿

人參

甘草

各半兩

麥門冬

心去

生地黃

各一兩

茅根

半握

右每服二三錢水煎服

益智丸 治脾腎虛熱心氣不足

益智仁

茯苓

茯神

各等分

右為末煉蜜丸桐子大每服五六十丸空心白滾湯下亦治白濁

四物二連湯

治血虛勞五心煩熱晝則明了夜則發

熱脇肋并一身盡熱日晡肌熱

當歸

生地黃

白芍藥

川芎

黃連

胡黃

連

各等分

右水煎服

地骨皮散 治虛熱壯熱

知母 柴胡 甘草 人參 地骨皮 茯苓

半夏

各等分

右薑水煎有驚熱加蟬退天麻黃芩

抱龍丸 方見傷寒

六味丸 方見腎臟

七味白朮散 方見積痛

導赤散

秘旨安神丸

二方見心臟

瀉白散

方見肺臟

惺惺散

保肺湯

二方見咳嗽

四物湯

方見急驚

當歸補血湯

柴胡清肝散

清涼飲子

三方見發熱

六神散

方見夜啼

補中益氣湯

方見虛羸

四君子湯

六君子湯

二方見內釣

益黃散

方見脾臟

瀉青丸

方見肝臟

寒熱

經曰陽虛則外寒陰虛則內熱陽盛則外熱陰盛則內寒寒熱往來此乃陰陽相勝也故寒氣并於陰則發寒陽氣并於陽則發熱寸口脉微為陽不足陰氣上入陽中則惡寒尺脉弱為陰不足陽氣下入陰中則發熱陽不足則先寒後熱陰不足則先熱後寒陰陽不歸其分則寒熱交爭也又上盛則發熱下盛則發寒陽勝則乍熱陰勝則乍寒陰陽相勝虛實不調故邪氣更作而寒熱往來或乍寒乍熱也少陽膽者肝之府界乎太陽陽

明之間半表半裏之分陰陽之氣易於相乘故寒熱多主肝膽經症以小柴胡湯加減調之若祇見寒熱起居如常久而不愈及大病後元氣未復悉屬陰虛生熱陽虛生寒宜用八珍湯補之甚者十全大補湯有食積為病亦令寒熱用保和丸消之若兼嘔吐泄瀉用六君子湯厥冷飲熱人參理中丸作渴不止七味白朮散食積既消而寒熱尚作者肝邪乘脾所勝侮所不勝也用異功散加柴胡山梔其瘧症寒熱詳見瘧門

治驗

一小兒十四歲朝寒暮熱或時發寒熱則倦怠殊甚
飲食不思手足指冷朝用補中益氣湯夕用六君子
湯各二十餘劑漸愈後因用功勞役前症復作更加
頭痛脉虛兩寸尤弱朝用補中益氣湯蔓荊子夕用
十全大補湯兩月餘而痊但勞役仍復寒熱服前二
湯稍愈畢姻後又用功過度朝寒遍體如冰暮熱身
如炙朝用補中益氣湯加薑桂夕用八味丸加五味

子各五十餘劑而愈

一小兒十三歲壯熱便秘服清涼飲愈而復作服地骨皮散更潮熱又服苓連四物不時寒熱體倦少食而熱或晝見夜伏夜見晝伏予謂肝脾虛熱夕用地黃丸加五味子朝用補中益氣湯加山藥山茱而瘥一小兒寒熱不愈診其乳母左關脉弦數左脇作痛遇勞則遍身瘙痒遇怒則小便不利此因肝經血虛鬱火所致也先用小柴胡湯加山梔牡丹皮諸症頓

退又用加味道遙散母子並痊

一小兒發熱咬牙乍寒乍熱耳內痛痒緣乳母有肝火所致用柴胡清肝梔子清肝二散母子並服而愈
一小兒十四歲每日子時分發熱遍身如炙午未時則寒足骨如冰至膝至子時分熱仍作此內真寒而外假熱也朝用補中益氣湯加參芪各三錢附子三分夕用大劑四君子湯加當歸一錢附子五分各二十餘劑漸安又用參朮各五錢歸芪各三錢陳皮甘

草各一錢薑桂五分各數劑乃朝用十全大補湯夕用六君子湯漸愈又用五味異功散而尋愈

一女子十五歲寒熱月經先期兩寸脉弦出魚際此肝經血盛之症用小柴胡湯加生地黃烏梅治之而愈後寒熱消瘦月經過期乃肝脾二經血氣虛弱也朝用補中益氣湯夕用六味地黃丸而愈

羌活冲和丸 治太陽無汗發熱頭痛惡寒脊強脉浮緊又治非時暴寒人中之頭痛惡寒發熱宜此湯治

之以代麻黃湯用太陽經之神藥也

羌活

防風

蒼朮

錢各半

川芎

甘草

細辛

白芷

生地黄

黃芩

錢各一

右水煎服

八珍湯

四物四君合用四物見急驚四君見內釣

十全大補湯

方見自汗

六君子湯

加味逍遙散

異功散

三方見內釣

人參理中丸

方見冷瀉

保和丸

補中益氣湯

二方見虛羸

地骨皮散

方見潮熱

芩連四物湯

即四物二連湯加黃芩方見潮熱

地黃丸

八味丸

即地黃丸加五味子肉桂二方見腎臟

小柴胡湯

方見瘧症

柴胡清肝散

梔子清肝散

二方見發熱

傷寒夾驚夾食

錢仲陽云小兒正傷寒者謂感冒寒邪壯熱頭痛鼻塞
流涕畏寒拘急是也夾驚者因驚而又感寒邪或因傷寒
熱極生風是熱乘於心心神易動故發搐也用薄荷散
人參羌活散之類解之甚者抱龍丸夾食者或先傷於

風寒後復停滯飲食或先停滯飲食而後傷於風寒以致發熱氣粗噯氣壯熱頭疼腹脹作痛大便酸臭先用解散次與消導不解者大柴胡湯週歲已前傷寒熱輕者用惺惺散週歲已後須解表微汗若五六日不除邪入於經絡傳變多端不可枚舉若夫榮衛俱傷者羌活沖和湯主之過此則少陽陽明二經在於半表半裏肌肉之間脉不浮沉外症在陽明則目疼鼻乾不得眠脉洪而長以葛根解肌升麻等湯治之在少陽則耳聾脉

弦數小柴胡湯加減和之若少陽陽明俱病小柴胡加
葛根芍藥傳入陽明為裏脉沉實譫妄惡熱六七日不
大便口燥咽乾而渴用大柴胡湯重則三一承氣湯若
兼三焦俱病則痞滿燥實宜大承氣湯三陽之邪在裏
為患不頭痛惡寒而反渴此為溫病當遵仲景法治之
其餘正傷寒症治自有專方不復贅論其兼驚兼食者
各從本症治之

治驗

散見各症

抱龍丸 治復風瘟疫身熱氣粗痰實壅嗽常服安神
鎮驚亦治痘疹壯熱

牛膽南星

雨一

天竺黃

雄黃

辰砂

錢二

麝香

許少

右為末煮甘草汁九櫻桃大陰乾每服一九薄荷湯
下氣喘有痰加枯礬

愚按前方若風熱痰嗽或急驚發搐昏睡咬牙形病
俱實宜用此方若初冒風寒咳嗽痰盛氣喘者屬客
邪內作先用十味參蘇飲客邪既解而腹脹吐瀉發

搐咬牙睡而露睛屬脾肺氣虛用五味異功散切忌
祛痰表散若過服尅伐之劑以致前症者尤宜溫補

脾肺

紅綿散

治傷風咳嗽鼻塞或流清涕

全蝎

五箇

麻黃

去節

殭蠶

白芷

川芎

桔梗

天

麻

各二錢

甘草

蘇木

右為末每服一錢加紅綿少許水煎有熱加荊芥

葛根解肌湯

治發熱惡寒頭痛項強傷寒溫病

葛根

分四桂分一

黃芩

甘草

白芍藥

分各三

麻黃

右薑棗水煎服

太乙承氣湯

治臟腑積熱痞滿燥實堅脹

甘草

枳實

炒麩

厚朴

薑製

大黃

芒硝

分各等

右薑水煎服

升麻湯 治小兒中風頭痛增寒壯熱肢體疼痛鼻乾

不得眠兼治瘡痘已發未發皆可服

甘草

白芍藥

升麻

乾葛

分各等

右為末每服一錢水煎服

小柴胡湯

大承氣湯

大柴胡湯

三方見瘕症

惺惺散

方見咳嗽

葛根解肌湯

抱龍丸

二方見傷寒

薄荷湯

方見癰癰

人參羌活散

方見驚風

咳嗽

錢仲陽云嗽者肺感微寒八九月間肺氣正旺若面赤身熱其病為實當用葶蘆丸下之久嗽者不宜下若在冬月乃傷風嗽當用麻黃湯汗之面赤飲水咳嗽唾膿痰咽喉不利者以甘梗湯清之先咳後喘面腫身熱肺氣盛也以瀉白散平之嗽而唾痰涎乳者以白餅子下之潔古云嗽而兩脇痛者屬肝經用小柴胡湯咳而嘔苦

水者屬膽經用黃芩半夏生薑湯咳而喉中如梗者屬
心經用甘桔湯咳而失氣者屬小腸用芍藥甘草湯咳
而右脇痛者屬脾經用升麻湯咳而嘔長蟲者屬胃經
用烏梅丸咳而喘息吐血者屬肺經用麻黃湯咳而遺
尿者屬大腸用赤石脂湯咳而腰背痛甚則咳涎者屬
腎經用麻黃附子細辛湯咳而遺尿者屬膀胱用茯苓
甘草湯咳而腹滿不欲食面腫氣逆者屬三焦用異功
散若咳嗽流涕外邪傷肺也先用參蘇飲喘嗽面赤心

火刑肺也用人參平肺散及六味地黃丸嗽而吐青綠
水肝木乘脾也用異功散加柴胡桔梗嗽而吐痰乳脾
肺氣傷也用六君子加桔梗若嗽唾膿痰者熱蘊於肺
而成肺癰也用桔梗湯凡風邪外傷法當表散而實腠
理其用下藥非邪傳於內及胃有實熱者不宜輕用面
色白脉短濇者肺之本症也易治面色赤脉洪數者火
刑金也難治

治驗

一小兒潮熱煩渴大便乾實氣促咳嗽右腮色赤此肺與大腸有熱用柴胡飲子一服諸症頓退後又發搐咬牙頓悶此肝脾氣血虛也用四君芎歸釣藤鈎而愈

一小兒咳嗽惡心鼻塞流涕右腮青白此脾肺氣虛而外邪所乘也先用惺惺散咳嗽頓愈但飲食不思手足指冷此外邪雖去而元氣尚虛也當調補脾土而生肺金遂用六君升麻治之而愈大凡外邪所侵

而痰涎壅塞者宜表散之外邪既去而喘嗽未愈或更氣促肺氣虛也屬形病俱虛須用六君子之類調補脾土以生肺金為善設逕補肺氣則反益其邪况肺乃脆嫩之臟而司腠理以脾為母若腠理不密風邪外侵蘊結於肺而變咳嗽諸症乃形氣不足病氣有餘也最難調理設或嘔吐傷其胃氣汗下損其津液必變肺痿肺癰

吳江史萬言子六歲感冒咳嗽發散過度喘促不食

痰中有血用桔梗湯而愈後因元氣未復清氣不升
大便似痢或用五淋散黃連枳實之類痰喘目劄四
肢抽搐變慢脾風而歿

一小兒傷風咳嗽發熱服解表之劑加喘促出汗余
謂脾肺氣虛欲用補中益氣湯加五味子補之不信
乃自服二陳桑皮枳殼而發搐痰湧余仍用前藥加
釣藤鈎而痊

一小兒有哮喘病其母遇勞即發兒飲其乳亦嗽用六

君桔梗桑皮杏仁治之母子並愈

一小兒傷食發熱抽搐嘔吐喘嗽屬脾肺氣虛有熱用六君炒黑黃連山梔而愈

一小兒咳嗽因乳母素食膏粱炙烤所致用清胃散而愈後其母因怒咳嗽脇痛其子亦然母服小柴胡湯子亦隨愈

吳江史萬洲子傷風咳嗽或用散表化痰之藥反加痰盛腹脹面色晄白予謂脾肺氣虛也用六君桔梗

一劑頓愈三日後仍嗽鼻流清涕此復感於風寒也
仍用前藥加桑皮杏仁而愈

一小兒發熱咳嗽右顙色赤此肺金有熱用瀉白散
而愈次日重感風邪前症復作聲重流涕用參蘇飲
加杏仁桑皮而愈但右顙與額微赤此心火乘肺也
用人參平肺散一劑遂痊

一小兒咳嗽發熱右臉赤色作渴煩悶倦怠少食肚
腹作脹此風邪傷肺飲食傷脾先用六君桔梗杏仁

柴胡一劑諸症少愈後去杏仁柴胡又一劑而安

一小兒發熱右臉赤咳嗽痰盛余謂風邪蘊結於肺而痰作也用二陳加桑皮杏仁桔梗治之將愈自用發散降火之劑風痰不退發熱益甚余曰此脾肺俱虛也用五味異功散加桔梗四劑漸愈又用六君子而愈

一小兒三歲痰涎上湧氣喘胸滿大便不實睡而露睛手足指冷此屬形病俱虛也用六君桔梗一劑諸

症稍緩至四劑將愈復傷風寒前症仍作又以前藥加紫蘇杏仁桑皮而安

一小兒傷風咳嗽痰盛雜用化痰等藥寒熱益甚面色或青或赤此風熱相搏也用牛黃清心丸一服又六君桔梗二服而痊

麥煎散 治夾驚傷寒吐逆壯熱表裏不解氣粗喘急面赤自汗或狂語驚叫或不語自汗及治癰疹搔痒往來潮熱或時行麻疹餘毒未盡痰涎咳嗽或變驚

風手足搖擗眼目上視或傷風頭疼並宜服之

滑石 地骨皮 赤芍藥 石膏 白茯苓 杏

仁 人參 知母 甘草 葶藶子 炒各半兩 麻黃 節去

一兩五錢 小麥 五六粒

右為末每服一錢麥子煎湯調下若久嗽傳於五臟
或唾痰涎或厥冷驚悸甚則目眶腫黑白睛色赤用
生地黃黑豆濕研成膏掩目眶上服麥煎散久嗽成
癰服散癰之藥

小青龍湯 治傷寒表不解惡寒體熱心下停水乾嘔
咳嗽喘急或肺脹胸滿鼻塞清涕噎逆氣喘仲景所
謂表不解心下有水氣乾嘔發熱而咳或渴或噎或
小便不利或小腹脹滿此湯主之

麻黃

去節

赤芍藥

半夏

湯泡各七錢

細辛

乾薑

炮甘

草

炙

桂枝

各三錢

五味子

半兩杵

右每服二錢水煎

理中湯 治脾胃虛寒胸膈痞滿或心腹疼痛痰逆嘔

吐飲食減少氣短羸困或霍亂吐利手足厥冷不喜飲水者

人參 白朮

乾薑

炮各等分

甘草

炒減半

右每服三錢水煎熱服或研末白湯調下

惺惺散 治外感風寒鼻塞痰嗽發熱

桔梗 細辛 人參 白朮 甘草 瓜蒌根

白茯苓

右為末每服二錢入薄荷五葉水煎服

保肺湯 治肺胃受風熱痰盛咳嗽喘吐不止及治久嗽不愈

山藥

白茯苓

紫蘇葉

各一錢

藿香

五分

白殭蠶

去絲嘴
炒二錢

百部

六分

黃芩

防風

杏仁

去皮尖
炒各一錢

百

合五分

五味子

一錢

桔梗

二錢

右水煎食後服

天麻防風丸

治驚風咳嗽身體壯熱多睡驚悸手足

抽掣精神昏憤痰涎不利及風邪溫熱

天麻 防風 人參 辰砂 雄黃 麝香 甘

草

炙各二錢五分

全蝎

炒

僵蠶

各半兩炒

牛黃

一方有膽南

星無麝香

右為末煉蜜丸桐子大每服一二丸薄荷湯下

麻黃湯 治太陽症頭疼發熱身頭惡風無汗喘滿脉浮緊八九日不解當發汗汗已煩悶瞑目者必衄衄乃解所以然者陽氣重故也

甘草

半兩

麻黃

去節兩半

桂枝

一兩

杏仁

去皮三十五箇

右每服三錢水煎

柴胡石膏湯 治時行瘟疫壯熱惡風頭疼體疼鼻塞
心胸煩滿寒熱往來咳嗽涕唾稠粘

桑白皮

黃芩

錢各三半

升麻

錢二分五分

石膏

前胡

赤

芍藥

乾葛

柴胡

錢各五錢

荊芥穗

錢三

右為末每服一二錢薑二片淡豉十粒水煎

葶藶丸

治脾熱薰肺或傷風咳嗽面赤痰盛身熱喘

促

葶藶子

隔紙
畧炒

防己

黑牽牛

畧炒

杏仁

去皮尖雙仁
麩炒搗膏一

兩

右為末研入杏膏拌勻取蒸棗肉搗和丸麻子大每服五七丸淡薑湯下量兒加減

黃芩半夏生薑湯 治膽腑欬嘔苦水若膽汁

黃芩

生薑

錢各一

甘草

炙

芍藥

各六分

大棗

二箇

半夏

一錢
五分

右水煎服

甘桔湯 治心臟咳嗽而喉中如梗狀甚則咽腫喉痺

粉草

二錢 苦梗一錢

右水煎食後服

芍藥甘草湯 治小腸腑欬欬而失氣

芍藥

甘草

炙各一錢

右水煎服

升麻湯 治脾臟咳嗽而右脇下痛痛引肩背甚則不

可以動動則欬涎

方見傷寒

烏梅丸 治胃腑咳而嘔嘔甚則長蟲出

烏梅

三箇

細辛

附子

製

桂枝

人參

黃柏

各六錢

乾薑

一兩

黃連

一兩

當歸

蜀椒

各兩

右為末用酒浸烏梅一宿去核蒸之與米飯搗和丸桐子大每服十丸白湯下

赤石脂禹餘糧湯 治大腸咳而遺尿

赤石脂

禹餘糧

各二兩並打碎

右每服二錢水煎

麻黃附子細辛湯 治腎臟咳嗽則腰背相引而痛甚
則咳涎又治寒邪犯齒致腦齒痛宜急用之緩則不
救

麻黃

細辛

各二錢

附子

一錢

右每服一錢水煎

茯苓甘草湯

治膀胱咳嗽而遺溺

茯苓

二錢

桂枝

二錢五分

生薑

五大片

右每服二錢水煎

牛黃清心丸

方見急驚

瀉白散

方見肺臟

二陳湯

方見吐噦

補中益氣湯

方見虛癯

小柴胡湯

方見瘧症

桔梗湯

方見肺癰

四君子湯

六君子湯

清胃散

異功散

四方並見內約

地黃丸

方見腎臟

五苓散

方見五淋

人參平肺散

方見夜啼

白餅子

方見發搐

百晬內嗽

百晬內嗽者名乳嗽甚難調理當審其虛實若氣粗痰

盛口瘡眼熱先用比金丸嘔吐驚悸困倦自汗用補肺散驚嗽用琥珀散乳嗽用天麻丸若脾胃內熱者用抱龍丸風邪外感者用惺惺散痰熱既去而氣粗痰盛或流涎者脾肺氣虛也用異功散加桔梗口瘡眼熱大便堅實者用三黃九大便不實者用白朮散若嘔吐不乳困倦自汗或自利腹脹者脾胃氣虛也用六君子加柴胡若驚悸困倦痰盛不乳者心脾血虛也四君子加芎歸酸棗仁或因乳母食五辛厚味致兒為患者仍參喘

嗽諸症

治驗

一小兒外感風邪服表散之劑汗出作喘此邪氣去而脾肺虛也用異功散而汗喘止再劑而乳食進一小兒咳嗽服抱龍丸反吐瀉不乳腹脹發熱用六君子湯母子並服而瘥後因母飲酒仍嗽用清胃散加麴蘖母服而子亦愈

一小兒患嗽或用清痰等藥反吐乳發熱搗搦腹脹

此脾胃復傷而內虛熱也用異功散加釣藤鈎漸愈
又用前藥加當歸而安

一小兒患咳嗽服牛黃清心丸加喘促腹脹此脾肺
氣虛也用六君子湯頓愈

補肺散

一名阿膠散

治肺虛惡心喘急久患咳嗽有痰

阿膠

一兩半炒

鼠粘子

炒

馬兜鈴

各半兩

杏仁

七粒

糯米

一兩

甘草

三分

右每服一錢水煎服

天麻丸 治未滿百晬咳嗽不止

天麻 蟬蛻 白僵蠶炒 人參 川芎 甘草

辰砂 天竺黃各二錢 牛膽南星 砒 白附子

雄黃各一錢 金箔五片 鵬砂五分

右為末蜜丸芡實大金箔為衣每服一九用薄湯下
愚按前方乃金石大毒之劑不可輕用况百晬小兒
多是乳母飲食厚味或母有肺病傳兒昔一婦人服
截瘡丹內有砒者兒飲其乳良久子母昏憤遍身發

赤翌日方甦又一婦人亦服前藥其子吐瀉大作大
人尚不能勝況小兒乎凡服砒石之藥中毒遍身發
赤昏瞶或吐瀉者急灌醋碗許即甦小兒數滴足矣
琥珀散 治急慢驚風涎潮昏冒目瞪驚搐內釣腹痛
或驚癇時發

辰砂

一錢五分

琥珀

牛黃

牛膽南星

殭蠶

炒去絲嘴

全蝎

白附子

代赭石

天麻

乳香

蟬殼

各一錢

右為末每服一二分白湯調下

黃芩清肺飲 治肺燥而小便不通

黃芩 梔子

錢一箇
打破

右水煎服不利加鹽豉二十粒

異功散

四君子湯

六君子湯

清胃散

四方見內釣

白朮散

方見積痛

比金丸

方見驚癇

三黃丸

方見疝症

惺惺散

方見咳嗽

抱龍丸

方見傷寒

牛黃清心丸

方見急驚

作喘

喘急之症有因暴驚觸心者有因寒邪壅盛者有因風

邪外客者有因食鹹酸痰滯者有因高粱積熱薰蒸清
道者然喘與氣急有輕重之別喘則欲言不能隘於胸
臆氣急但息短心神迷悶耳治法因驚者用雄朱化痰
定喘丸佐以天麻定喘飲寒傷肺氣者用小青龍湯風
邪傷肺者用三拗湯加減之食鹹酸傷肺者啗以生豆
腐熱傷肺氣者當涼肺定喘哮喘喉聲如鋸者梅花飲
兼用半夏丸前症多因脾肺氣虛腠理不密外邪所乘
真氣虛而邪氣實者為多若已發則散邪為主未發則

補脾為主設槩攻其邪則損真氣逕補其肺則益其邪
凡喘嗽之症若小便不利則必生脹脹則必生喘要分
標本先後先喘而後脹者主於肺先脹而後喘者主於
脾蓋肺金司降外主皮毛肺朝百脉通調水道下輸膀
胱肺既受邪則失降下之令故小便漸短致水溢皮膚
而生脹滿此則喘為本而脹為標也治當清金降火為
主而行水次之脾土惡濕而主肌肉土能尅水若脾土
受傷不能制水則水濕妄行浸漬肌肉水既上溢則邪

反侵肺氣不能降而生喘矣此則脹為本而喘為標也
治當實脾行水為主而清金次之苟肺症而用燥脾之
藥則金燥而喘愈甚脾病而用清金之藥則脾寒而脹
益增觀其症若中氣虛弱者用六君子湯中氣虛寒者
前方加炮薑鬱結氣滯者用歸脾湯加柴胡山梔肝木
尅脾土者用六君柴胡山梔肺氣壅滯者用紫蘇飲加
白朮食鬱壅滯者用養胃湯加木香肺中伏熱水不能
生而喘者用黃芩清肺飲及五淋散脾肺虛弱不能通

調水道者用補中益氣湯及六味丸膏粱厚味脾肺積熱而喘者用清胃散及滋腎丸心火刑金不能生水者用人參平肺散亦用滋腎丸腎水虧虛火鑠金小便不利者用六味丸及補中益氣湯肝木乘脾不能相制而喘者用六君柴胡升麻脾胃虛寒臍凸腹脹者用八味地黃丸脾腎虛寒不能攝水如蠱脹者用加減腎氣丸凡虧損足三陰而致喘脹或二便不調及牽引侈痛者俱用六味八味加減腎氣等丸治之仍參傷風咳嗽症

治驗

一小兒嘔吐發熱胸痞脇痛作喘發搐因乳母恚怒
母服加味逍遙散子服異功散加釣藤鈎山梔並愈
一小兒痰喘鼻塞用惺惺散而愈後因傷乳服消導
之劑痰喘腹脹益甚余謂脾虛不能生肺而痰喘脾
氣不能運化而腹脹用異功散而痊

一小兒患喘服發汗之劑汗不出而喘益甚用異功
散頓愈又用六君子湯而全愈後復痰喘服下痰丸

前症愈甚更腹脹作嘔此脾肺復傷也再用異功散而漸愈半載後患喘嗽面赤此火心剋肺金用人參平肺散及六味地黃丸而痊

一小兒傷風喘急不能卧服參蘇飲之類不痊余用小青龍湯一劑而愈後復感寒嗽喘益甚服發表之藥手足並冷腹脹少食余謂脾肺俱虛也用六君子加桔梗杏仁而愈

一小兒患喘面赤服牛黃清心丸面色眊白手足不

熱余謂脾胃復傷用六君子湯不半杯而愈又傷風寒而喘面色仍白用五味異功散加桔梗生薑治之頓安

一小兒七歲患前症久不愈或用下痰等藥連瀉數次飲食不入手足並冷喘急不得卧先用六君薑桂益甚用人參五錢附子一錢二劑少緩又二劑十減三四乃用獨參將愈却用四君子湯而瘥

雄朱化痰定喘丸 治因驚發喘逆觸心肺暴急張口

虛煩神困

雄黃

硃砂

錢各一研

蟬蛻

全蝎

白僵蠶

天南

星

白附子

炮各二錢

輕粉

五分

右為末糊丸麻子大每服數丸茶清送下

梅花飲

治五臟積熱喉中有痰面色赤白鼻流清涕

氣逆喘急目赤咳嗽或因驚夜啼

硼砂

馬牙硝

片腦

人參

各一兩

甘草

五錢

芒硝

辰砂

麝香

各一錢

右各另為末磁器收貯每服半匙麥門冬湯調服氣急喘嗽桑白皮湯下常服薄荷湯下

天麻定喘飲 治喘嗽驚風

天麻 防風 羌活 甘草炒 人參 桔梗 白

朮 川芎 半夏麴各等分

右每服二錢水煎服

三拗湯 治感冒風邪鼻塞聲重語音不出或傷風寒頭疼目眩四肢拘倦咳嗽多痰胸滿氣短

麻黃

節 不去

杏仁

皮尖 不去

甘草

生用 各等分

右每服二三錢薑水煎服

半夏丸

治肺氣不調咳嗽喘滿痰涎壅塞心下堅滿

及風痰嘔吐惡心涕唾稠粘

白礬

一兩 半焙

半夏

三兩 湯泡七次 薑汁製一宿

右為末生薑自然汁九赤豆大每服十丸薑湯下

紫蘇飲子

治肺受風寒喘熱痰嗽

紫蘇葉

桑白皮

青皮

五味子

杏仁

麻

黃

甘草

炙陳皮

各二分

人參

半夏

各三分

右薑三片水煎溫服

小青龍湯

惺惺散

二方見咳嗽

異功散

清胃散

六君子湯

加味逍遙散

歸脾湯

五方見內鈞

人參平肺散

方見夜啼

平胃散

方見胃氣虛冷

八味丸

即六味丸加肉桂
五味子方見腎臟

牛黃清心丸

方見急驚

養胃湯

方見瘧症

黃芩清肺散

方見百晬內嗽

五淋散

方見五淋

滋腎丸

方見發熱

補中益氣湯

方見虛羸

六味丸

方見腎臟

金匱加減腎氣丸

方見腹脹

黃疸

經曰中央黃色入通於脾故黃疸者脾之色也夫人身之神貴於藏而默用見於外則內虛矣其症皆因脾氣有虧運化失職濕熱留於肌膚發而為疸錢仲陽所謂

身痛背彊二便澁滯遍身面目爪甲皆黃是也小便褐
色者難治療法宜固脾為先如專用尅伐寬中澹泄利
水之藥則鮮有不至危者矣若初生及百日半年之間
不因病而身黃者胃熱胎黃也腹大食土為脾疳兼作
渴飲冷者用瀉黃散小便不利者茵陳湯病後發黃肢
體浮腫者用白朮散清便自調肢冷嗜卧者益黃散身
澹黃白者調中丸及補中益氣湯加茵陳身熱膈滿肌
膚面目皆黃者加減瀉黃散辨其所以若閉目壯熱多

哭不已大小便赤澁口中熱氣者廼妊娠厚味胎毒之
候也母子並服生地黃湯仍忌酒麪五辛熱物設不自
慎悞傷脾土急則變為驚風吐瀉緩則肢體浮腫小便
不利眼目障閉多成疳疾矣又有脾虛發黃者當於脾
胃中求之

治驗

一小兒旬日內先兩目發黃漸及遍身用瀉黃散一
服而瘥

一小兒生旬日面目青黃此胃熱胎黃也用瀉黃散乳調服少許即愈後復身黃吐舌仍用前藥而安

一小兒因乳母食鬱而致飽脹噯酸遍身皆黃余以越鞠丸治其母瀉黃散治其子並愈

一小兒患前症服五苓散消食丸之類其黃不退作渴飲湯腹膨少食余謂胃氣虛津液少故喜飲湯脾氣虛故腹脹少食也先用白朮散漸愈又用補中益氣湯而痊

一小兒飲食不調腹脹身黃小便金色雜用治疸之劑作渴飲水余謂胃氣實熱先用瀉黃散二劑作渴頓止用梔子柏皮湯其黃亦退用白朮散而飲食進茵陳湯治陽明病發熱汗出者此為熱越不能發黃也但頭汗出至頸而還小便不利渴飲水漿此瘀熱在裏而發黃也或傷寒七八日小便不通腹微滿身黃如橘色者

茵陳蒿

嫩者一兩

大黃

三錢五分

梔子

大者三枚

右每服一錢水煎服

犀角散 治黃疸一身盡黃

犀角

一兩

茵陳

葛根

升麻

龍膽草

酒炒

甘草

各半

兩生地黃

五錢

寒水石

三錢

右每服三錢水煎服一方瓜蒌根汁和蜜服

小半夏湯 治黃疸小便色不變自利腹滿而喘者不

可除熱熱去必噦

半夏

湯洗七次

右每服二三錢薑三片水煎服

消食丸

治胸膈氣痞乳食不消身後黃者

方見
吐乳

茵陳五苓散即五苓散加茵陳每服一錢溫水調下目

三服

導赤散

二方見五淋

越鞠丸

方見天鈞

承氣湯

小柴胡湯

二方見瘧症

調中丸

即理中丸方見冷瀉

平胃散

方見脾胃虛冷

史君子丸

方見蛇虫

益黃散

方見脾臟

地黃湯

即濟生地黃湯

白朮散

方見積滯

四味肥兒丸

方見嘔吐

瀉黃散

方見脾臟

嘔吐乳

嘔吐皆主脾胃古人謂脾虛則嘔胃虛則吐是也嘔者有聲無物吐者有物無聲也蓋乳哺過飽則胃不能受而溢出銜乳多食睡則脾不能運而作瀉脾胃漸傷疾病纏綿甚至慢驚之患矣若手足指熱喜飲熱湯或睡而露睛皆胃氣虛弱也用異功散若手足指熱飲冷或睡不露睛屬胃經實熱也用瀉黃散若作渴少食或小便便色赤胃經虛熱也用七味白朮散大凡嬰兒在乳母

尤當節飲食若乳母停食亦能致兒吐瀉故不可不慎也

治驗

一小兒傷食嘔吐發熱面赤服消導清熱之劑飲食已消熱赤未退余以為胃經虛熱用六君升麻柴胡四劑而痊

一小兒傷食嘔吐服尅伐之藥嘔中見血用清熱涼血反大便秘下血唇色白而或青余謂脾土虧損肝木

所乘令空心服補中益氣湯食遠服異功散使涎血
各歸其源果愈

一小兒吐酸乳食用四君吳萸黃連木香補脾平肝
而愈後口中有酸水仍用前藥隨愈後吐苦水而口
亦苦用龍膽湯以清肝火四君子湯以補脾土而痊
一小兒吐黃水所食之物悉皆甘味用瀉黃散清其
胃火而愈後因停食服尅伐之藥口甘不食形氣殊
弱用補中益氣湯養其中氣而痊

一小兒傷食噎腐用平胃散一服宿滯頓化余云不必多藥但節其飲食自愈不信別用尅滯之藥更加吐瀉以致不救

一小兒傷食發熱面赤抽搐嘔吐氣喘唾痰此飲食傷脾肺氣虛弱所致用六君子湯炒黑黃連山梔各二分一劑頓愈

消乳丸 治嘔吐消乳食脉沉者傷食不化也

香附子

炒

宿砂仁

陳皮

甘草

炙

神麴

炒

麥芽

炒等分

右為末米糊丸黍米大每服二十九薑湯下

又方治百晬內嘔吐乳妳或大便青色用少婦乳汁一
盞入丁香十粒陳皮一錢磁器內煮數沸稍熱空心
以綿毬吮服

楊氏消食丸 治乳食過多胃氣不能消化

宿砂 橘皮 三稜 蓬朮 神麴炒 麥芽炒各半兩

香附子炒一兩

右為末麴糊丸麻子大白湯送下量兒加減

局方觀音散 治外感風寒內傷脾胃嘔逆吐瀉不進

飲食漸至羸瘦

人參

一兩

神麴

炒

茯苓

甘草

炒

木香

綿黃芪

白扁豆

白朮

各一錢

石蓮肉

去心二錢五分

右為末每服一錢入藿香三葉棗水煎服

香朴散 治積冷嘔吐

藿香葉

陳皮

厚朴

薑汁製各七錢

半夏

一兩七次湯

甘草

錢一

右每服三錢薑棗水煎瀉甚加木香肉豆蔻

香薷散 治寒溫不適飲食失調或外因風寒暑邪致
吐利心腹疼痛霍亂氣逆發熱頭痛或轉筋拘急或
疼痛嘔噦四肢逆冷

香薷

一兩

茯苓

白扁豆

炒

厚朴

薑汁製

各五錢

右每服二三錢水煎加酒半杯冷服立效

竹茹湯 治胃受邪熱心煩喜冷嘔吐不止

葛根

七錢五分

半夏

炮半兩

甘草

炙三錢

右每服二三錢入竹茹棗許大薑水煎取清汁微冷

細細服加茯苓三錢尤妙

蘇合丸 治傳屍骨蒸殭殭肺痿症忤鬼氣卒心痛霍

亂吐痢驚補客忤等症

蘇合香油

入安息香膏內

薰陸香

另研

龍腦

研

木香

白朮

白檀香

丁香

朱砂

研飛

沉香

香附子

炒烏

犀屑

畢撥

安息膏

另為末用無灰酒拌膏

麝香

研

訶黎

勒

煨取皮
各二兩

右為末研勻用安息香膏并蜜和丸桐子大井花水
空心化服一二丸溫酒亦得更用臘紙裹彈子大一
丸緋絹袋盛當心帶之辟一切邪及治胸膈噎塞腸
中虛鳴宿食不消

青州白丸子 治驚風吐乳

天南星

三兩

白附子

一兩

半夏

浸洗
七兩

川烏頭

去皮臍
半兩

右用井花水浸晒過次日早晨再換新水春五日夏

三日秋七日冬十日晒乾為末以糯米粉煎粥清為
丸菰豆大薄荷湯調下

瀉黃散

方見脾臟

白朮散

方見積痛

異功散

六君子湯

四君子湯

三方見內鈞

龍膽湯

方見喉風

平胃散

方見脾胃虛冷

補中益氣湯

方見虛羸

吐舌弄舌

舌屬心脾二經小兒舌微露而即收者名弄舌此屬心脾虧損用溫胃散補之舌舒長而良久不收者名吐舌乃心脾積熱用瀉黃散主之或兼口舌生瘡作渴飲冷屬胃經實熱亦用前散作渴飲熱屬胃經虛熱用四君子湯食少作渴或大便不實脾胃虛弱也用七味白朮

散口角流涎或腮頰患腫胃虛風熱也先用人參安胃散次用七味白朮散若午後甚者脾血虛也四物多加參朮茯苓未應用補中益氣湯及審五臟相勝若因疳瘦所致當參諸疳門

治驗

一小兒弄舌發搐手指不冷余謂肝脾虛熱用異功散加升麻柴胡而愈後傷乳腹脹服尅滯作瀉弄舌手指發熱審乳母肝火與小柴胡湯加升麻白朮治

之母子並愈

一小兒乳食過多患吐瀉用大劑異功散加柴胡升麻母子服之而愈後因驚服至寶丹之類發搐弄舌幾至慢驚余用六君子湯加白附子服而愈

一小兒吐舌發熱飲冷額鼻黃赤吐舌流涎余謂心脾實熱用導赤瀉黃二散而愈後復作別服清熱等藥更弄舌余用異功散加釣藤鈎而安又用六君子湯全愈

一小兒七歲食生冷之物腹痛便秘服峻利之劑連瀉五次噫氣腹痛余謂心脾虛寒用異功散加薑桂木香治之不從反治胃火更加吃逆余仍以前藥加附子一片一服諸症頓退乃去附子又三劑而愈其時同患是症用清胃化痰者歿而手足俱黯

四物湯

方見急驚

補中益氣湯

方見虛癰

小柴胡湯

方見瘕症

導赤散

方見心臟

瀉黃散

人參安胃散

二方見脾臟

七味白朮散

方見積痛

異功散


六君子湯

四君子湯

三方見天鈞

五苓散

方見五淋



薛氏醫案卷五十九